

MALIKTAKHAT MALIGUUTAIT  
NUNAVUNMI INUNGNUT PITQIGIYAUYUNUT IHUAQHAIYIIT

Qanuriliuqniq Maligakhait

1. Tamna qanuriliuqtukhat Maliktakhat Maliguutait ikayurlugit Uukturhimayuq talvalu Angiruutilik tunilugit nakuatut, malittiahamingnit talvalu nalliumaniq hivunikhaqhiuqhamingnit talvalu pitquiyunik Ihuaqhaiyilluanit.
2. Inungnut Pitqugiyaayunut Havaktiit hailihimayut ikaarnini 9mi uplaami 5mut upluumaat, Hivulliumnit Tallimiummut, ikayuqtughat Uukturhimayunik Kiuyughayuniklu atuqninginnik hapkuninga Maligakhanik:

Nunavunmi Inungnut Pitqutigiyaayunut Ihuarhaiyiit  
Titiqqiqiviup Qiuqutaa 15  
SalliitCoral NU X0C 0C0  
Hivayaut: Akiittuq 1-866-413-6478 unaluuniiit 1-867-925-8447  
Kayumiktukkut: 1/8: : -442-3233  
nunavuthumanrights@gov.nu.ca

3. Hapkuat Maligait maliktakhaayut kihiani Ihuaqhaiyiilluat pitquyaukpat maliktakhaanganik ahiagulluuniit.
4. Ilauyut malingitpat hapkuningat Maligaknut, Ihuaqhaiyiilluat pitquniaqtut ihumakhaqhiurniaqqut naamagikpagit ilagilugit pitqugiyaukpat akiliqtuinniagumik.
5. Humungauyaakhait Maligat hapkuat angiqtaunngitpat *Nunavunmi Inungnut Pitqugiyaayunut Ihuaqhaiyiit Maligaq* (tamna “*Maligaq*”) talvaluuniit *Maligaknit Atuqtukhat*, tamna *Maligaq* talvaluuniit, ilaukpat, angigliivaaliquaq.

Inuit Pitquhiit Ilitquhiillu

6. Talvangat uuktuqtauyunik, hapkuat Maligait numiktitaulaqtut nakuattut ilitagiyauluni talvalu pivikhaqaqniqat Inuit pitquhianik ihumagiyauttiarningalu ikayulluaqtait Inuit inuuhirmingnit.

Ihuaqhiyaqniit

7. Qanuriliuqtukhat Maligarnit:
  - (a) “Inikhaq” tukilik ihuagiyaayut naamaktut, kivgaqtuiyiit maligakhainillu inungmut inuinullu ihuagiyamingnit;
  - (b) “Uuktuktuq” tukilik quyaginaq inuk (it) inigumigik Titiraqtaaqhimayayut turraaqtitauhimayut Ihuaqhaiyiinut.
  - (c) “Tukimuaqtittiyyi” taamnauyuguuq atannguyaq aulapkaininginni talvani Ihuaqhaiyiinni.
  - (d) “Inungnut Pitqugiyaayunut Havaktiit” taamnauyuruuq havaktia talvani Ihuaqhaiyiinni.
  - (e) “Ihumaliuqtut” ilauyut ihuaqhiyaaqataqtakhait naalaktaunngitkaluaqtunik, uqautihimaqatigimmaarlugit angiqatigiiklutalu, akunnganiittuq taffumap Uuktuqtumut Angikhimayumilluuniit tahapkuat Ihuaqhaiyiilluat naamagiyaukkumigit.
  - (f) “Titirakhat” tukilik titiqqanik naunaiyaqtiguuqtinik titiraqvikkuuqtukhat kinguliqmut humungauyukhaq Ilauyunut kihiani ikpighuutiqaqumik Ilauyunut Ihuaqhaiyiinulluuniit.
  - (g) “Titiraqtautaaqhimayut” tukilit titiqqihimatjuqaqtuq naunaipkutaanik Uuktuqtuup ataani s. 21 uvani *Maligaqnit*.
  - (h) “Ilauqatigiiit” tukilik tamna Uuktuqtuq Angiguutiqaqturluuniit aallanilluuniit inungnit uingaiqhimayut uvani s. 28 *Maligaqnit*.
  - (i) “Naalaktittinnagit Katimayut” taamnaguug hivuagut-ihuarhaqhimayuq uqaqatigiingniq taapkunani Ihuaqhaiyiinni Ilauyunilu, pilluaqtauvaktuq hivayautikkut.
  - (j) “Kangirhipkaitjutit Uuktuqtunit” taamnaguug kituni uukturutit haimmarutighanik quyaninnarnik uuktuqtauyut aullaqtiqtinnagut naalakniq ataani Ilangani 5 *Maligaqmi*.

- (k) “Titiraqtauhimayuuq” tukilik titiraqhimayut Ilauyunut naalaktukhanit angiqhimayut tuhaumaplutik Ihuaqhaiyiilluat Apirhuliqtinagit.
- (l) “Kiujjut” talvaluuniit “Kiujjutiit Titiraqtaaqhimayunik” tukilit titiraqtaaqhimayut kiujjutauhimayunik Titiraqtaaqhimayut tuniplugit Ihuaqhaiyiilluanut.
- (m) “Angiqhimayuuq” tukilik inuk(it) attiqtauhimayuuq Titiraqtaaqhimayunik ilauqataupluni ihuinaaqtitihimayumik ihuijjutauyut ataani uvani *Maligaqmi*.
- (n) “Ihuaqhaiyiit” tukilik atauhiq ilauqatauyulluuniit ilangat Nunavunmi Inungnut Pitqigiyayunun Ihuaqhaiyiilluanut tikkuaqtauhimayumik ataani s. 16 uvani *Maligaqmi*.

#### Titiraqtaaqhimayut Kiujjutaiillu

8. Uuktuqtuq iniqtilaaqtuq Titiraqtaaqhimayunik talvalu Angigut iniqtilaaqtuq Kiuhiimayumik, avaliittumik talvaluuniit inungmik, piqatigalaaqtuq Inungnut Pitqugiyayunun Havaktimik, titirarlugit uqaqlugilluuniit.
9. Titiraqtaaqhimayut Kiujjutaiillu piqaaqtuq kikliqarlutik uvunga 20nik ilauyughanik titiqqanik ikayuutiuyunik titiraqtauhimayunikluuniit atajutihimayut taapkununga.
10. Nanilikiaq Uukturtuq Angiruutiqaqtunulluuniit ikayuqtithaliuqtauyuuq ataani Maligaq 8mit, tamna Titiraqtaaqhimayuuq Kiujjutauyulluuniit ilauyakhait titiqqanik ilagilugit haffumungat:
  - (a) sainiqtaaqtaminiq talvalu ilauqatauyuuq angiruutiniq Uuktuqtumik Angiqhimayumilluuniit; talvalu,
  - (b) atia, humiuyaakhainik, hivayutaat tahamalu ilauhimayut titiraqtaaqhimayut Ihuaqhaiyiilluat apiriqatarumigik inuup ikayuqtinganilluuniit.
11. Qablunaat uqauhiat, Uiviitittut uqauhiat, Inuit uqauhialuuniit atulaatut iniqtirulugu Titiraqtaaqhimayuuq uvalu Kiujjut atuqtaulaaqtuqlu quyaginnarni tuhaumapkaininginni Ihuaqhaiyiini.
12. Titiraqtaaqhimayut pihimaniaqtait Ihuaqhaiyiilluat malrungnik (2) ukiunik ihuinaaqtitiyup malingitpagik ukuningat *Maligarnit*.
13. Titiraqtaaqhimayuuq uqarhimakpat ihuinaarniq Maligaqmut pihimayuuq qaangiqhimaliqhugu malguuk ukiut tuyuqtinnagu Titiraqtaaqhimayuuq, Ihuaqhaiyiit ilitturipkarniaqtaa Angiqhimayuuq taapkununga uqaqtauhimayunun taimaalu, Angiqtauhimayuuq angingitpat tuyurninganut Titiraqtaaqhimayumut, Ihuaqhaiyiit ihuarhainiaqtut uplughamik taamna Uukuqtuq uukturiangani taghilaqtipkarlugit uplughait tuyurningani Titiraqtaaqhimayuuq, talvanga Unniutininganit tamainnut Ilauyunut.
14. Ihuaqhaiyiilluat ikpiguhuutiniat ikayuqtamingnit Titiraqtaaqhimayut ukuningat Angiqhimayunun inmikkut.
15. Kiujjut pihimaniaqtait Ihuaqhaiyiilluat sikstini (60) ublunik havaktillutik Titiraqtaaqhimayut Angiruutihimayunik ukuningat Ihuaqhaiyiilluat.
16. Angirutainnit tamainni Ilauyuni, Atannguyuuq taghilaqtitaaqtaa
  - (a) uplughait tuyurninginnik quyaginnait titiraqat Ihuaqhaiyiinnut. Ilauyuuq ihuigikpagu
  - (b) taghilaqtiirniq, Ihuaqhaiyiit ihuarhainiaqtut uplughamik talvunga Ilauyumut tukhiqtuq taghilaqtiirnirmik uuktuqulugu Ihuaqhaiyiinnut taghilaqtiirnirmik, Ilitturipkarlugi aippaa Ilauyuuq.
17. Inungnut Pitqugiyayunun Havakti Ihuaqhaiyiilluunnit pitquyaatait quyainnait Ilauyut naunaiyaqulugu iniqtiqpiarluguluunnit piyutingit Titiraqtaaqhimayunik amigaitpallaaqtut uplut qaangiqtinnagit.
18. Ihuaqhaiyiilluat kangiqhipkainiagait titigaqlugit pihimaniaqtamingnit Titiraqtaaqhimayunik talvalu Kiujjutiniq tunilugit Angiqhimayunun aajjikkiinik iniqtirhimayaanik Uukturtuup Titiraqtaaqhimayut talvalu Uukturtuup aajjikkutaliuqhimayunik Angiqhimayuuq iniqtamingnit Kiujjutiniq.
19. Angirutainni tamainni Ilauyunit, Atannguyuuq piqaaqtitaqtaa Uuktuqtuq Angiqhimayurluuniit aallanguqtirlugit Titiraqtaaqhimayuuq Kiujjulluuniit. Ilauyuuq ihuigikpagit taapkuuq aallanguqtiritit, taamna Ilauyuuq tukhiqtuq aallanguqtiritinik uuktuqtughaq Ihuaqhaiyiinnut angirutimik aallanguqtiriimi, Ilitturipkarlugit aippait Ilauyut.

## Hiamitilimainniq

20. Iluaniitat titiraqni munariyauyut Aulapkaiyimit uqaqtauyughaungittut kitkunnut piqangittumik pitquinianik hivuniurnianikluunniit Ihuaqhaiyinnit.

## Tuhaumapkainiit Ihuaqhaiyinnut

21. Uuktuqtut Angirhimayulluunniit pitquyauhimayut unniutilugit Ihuaqhaiyiit aallanguqniqaqqat uqaqatiginikkut ilitturipkaitjutinik ilauyut titiqqiqiviit, hivauyautit nampait, kayumiktukkut nampait qaritauyakkullu titiraqviit, tatjainnaq.
22. Tamna Uukturhimayuuq kiujjutingitpagit ukuningat Ihuaqhaiyiinut uplut qaangiqaallaaqtinnagit, Ihuaqhaiyiit tunihittaqtut Titiqqanik aallanik havaktauyughanik talvunga kingullirmut ilihimayuyumut titiqqiqivianut Ilauyup.
23. Uuktuqtuuq Angiqhimayurluunniit kiunngitpagit Titiraqnik tuniyauhimayut Ihuaqhaiyiilluanit apigikpagik Ilauhimayunut maliglulugit ihuaqnikkut hivunniuruti ilauni uplughainni ihuaqhaqtauhimayut Ihuaqhaiyinnit, tapkuat Ihuaqhaiyiit pilaaqtut:
  - (a) imaa pihimaliqaannik Uuktuqhimayuuq, piiqtittaaqtaa ihuigiyauniq maliklugu s. 24(3)(a) *Maligaqmi*; uvvaluunniit,
  - (b) imaa Angiruutit, ihuaqhaqtaaqat nalvaaqtukhanik ilitturipkangitkaluarlugu Angiqhimayuuq.

## Inuutjutit Maligatiguungayut

24. Uukturhimayuuq tuniyaaqaqtuuq Ihuaqhaiyiinut uuktuurutimingnit Apiqhuiyiinut ilanganit ilauyuuq ataani Uiguat 39 talvalu 40 uvani *Maligarnit* talvalu tutquqtauyukhat Ihuaqhaiyiilluat aatjikkuaanik apiriyauliqqat, huuq tugliurutinik ilauyut uvaluunniit Pitquyaukpat qanuriliuqtitaayuuq uukurtamingnit.

## Hivunikkaqhiutjut Ihuaqhaiyiilluanit

25. Ihuaqhaiyiilluat tutquqtilaaqtut talvalu kivgaqtuilugit Ilauyunut Titiraqtaaqhimayut aatjiliuqhimayamik titiraqlugit huuq hivunikkaanit ilauyunut ataani Ilanga 4 uvaluunniit Ilanga 5 uvani Maligaq.

## Iniqtigut Maliktakhat

26. Ihuaqhaiyiilluat akhuurutigilaaqtut iniqtigutinik ihuijutinik ilauyut Titiraqtaaqhimayunik ikayuutikhamingnit ikayuqtauyungnaqtunik pitquhiajjutimingnit, ilaulugit ihumaliugut, ihuagiyaulluaqmat.
27. Ilauyut ihuigiyaayamut ilauqatiqarluni inungnik ikayuqtighamingnik piyumayamingnut ikayuktitlugit ihuaqhinahugitlugu ihuaqhiyakhamut ihuagiluagumiuk Ihuaqhaiyiilluat ahivaqtilaaqtut inungnit tahamaniitpat iniqtigut maliktakhat piyumakpagit naamagilluagumilluunniit.
28. Ilauyut ilauqatauyut iniqtigut maliktakhanik (aallallu inuit ilauyut talvani iniqtigut maliktakhanik) angiguutiqaqumik hapkuat maliglulugit piyukhauyut:
  - (a) tahapkuat maliktakhat takuyaulimaittut talvalu tuhaqtilaittait akunganiittut Ilauyut talvalu aallat ilauyut talvalu takupkalaittut inungnit ilaunngitkumik iniqtigut maliktakhanit atuqtaulaittullu maliktakhanut piyumayaukpat ukuningat, tahapkuatlu apiqhuqtauvingmungauyakhanut, pihimayunit pitjutauniakkataluunniit Titiraqtaaqhimayunit;
  - (b) taimaa, pitjutaugaluaktitlugu maligaliurutikhanut pittaaqtanut, inmik piyughat naunaiklugit tunihilutiklu, atautikkuugutit, tamaita ihuaqtut naunaitkutit, titirrat atuqtakhatlu, ihuaqhapkaijjutinik naamainnaqqat uvani iniqtigut maliktakhauijuttikhaanut.

29. Piyumayaukpat pilihaarningmit uvani iniqtigut maliktakhat tutquqtaulaaqtut talvalu malittiarumigit ilitquhiannit angigpagik naamakpat apirhuilikpat.

#### Ahivaqtittiniq Titiraqhimamayamik

30. Tamna Uuktuqtuq ahivaqtitaulaaqtuq tamaqmik ilangaluuniit Titiraqtaaqhimayunik angikkat Kiuyukhaq iniqhiluni titiraqluni titirqamik pihimayumit Ihuaqhaiyinit naalaktitautinnagit.

31. Titirangniq ahivaqtitaunirmut piyughaq qilamik ahivaktitlugu Titiraqhimayuq, tamaat ilangaluuniit, talvanga Ihuaqhaiyit atuqtauyut naunaitkutaanit.

32. Titirangniq ahivaqtitaunirmut piyughaq pitjutigiyaanut iniqilugu naunaittughayuq taamna Titiraqhimayuq ilangaluuniit pilugu, kihimi Ilauyut angikhimakpata titiraqlutik.

#### Naalaktittinnagit Katimayut

33. Tapkuat Ihuaqhaiyiilluat ilaupkalaqtut Ilauyunut naalangnahualiqtinagit katimayunut qanuriliuqtukhat ihuarutikhainnik, maliktakhanik talvalu kangiqhipkaitiarlugit ukuningat Titiraqtaaqhimayunik.

34. Atannguyaq piyughayuq havakatigilugit Ilauyut kakugu katimaniariakhainut naalaktitjutikhanut Ilauyutlu uqaqtughayuq qilamivyak Atannguyamut tamainnut pitjutinut katimaniarutikhainut naalaktittinahuarumik.

35. Atannguyaq ihuaqhittaqtuq naalaktittitjutikhamik katimalutik tunihilunilu Titirqamik Naalaktittiniarumik tuyugvikkut naunaitkutikaktumik, kayumiktukkut, qaritauyakkut hivayautikkutluuniit kakugulu katimapkainginnarialik naalaktittitjutikhanut piyaghaukpaata.

36. Tamna Ihuaqhaiyiilluat atulaaqtut naalangnahualiqtinagit katimayut hamma:

(a) uqaqtigilugit qanuriliuqtukhanit Titiraqtaaqhimayunit talvalu Kiutjutainik talvalu qanuriliuqniat ihuaqhaqlugit iniqtigumilluuniit tamaqmik ilangilluuniit ihuitjutimingnit;

(b) kiulugit apiqhuutigiyait Ilauyunit.

(c) uqarilugit, angikatigiiklutik tunilugitluuniit havaktauyakhat atuqtauniakkata naalaktittitlugit, ukuatlu:

- tunihiniq titiraliuqnirmutlu titirqanik
- tunihikattaaklutik tautuktut naiklihaimavlugit titiraqhimayanik
- titirqanik tunihinirmut Ilauyunut
- upautikulugit tautukhimayut
- nipiliuniariakhaita qanurittuniklu atuqlutik naunaitkutanut
- pikariakhaa kangikhitjutinik uuktuutinik
- ublua, kakugu humilu naalaktittiniariakhaita
- ilauniariakhaita kinalikaak tautukhimayutluuniit
- naalkittiniariakhaita katimalutik

37. Tapkuat Ihuaqhaiyiilluat pilaaqtut katimayunik hivayautikkut, katillugit hivayautikkuugutinut, piksasuliukkut ihumamingnit ihuagiyamingnit Ihuaqhaiyiilluat hunakkuugutimingnit.

38. Ilauyut ilaunngitpata naalaktinagit katimayunut tuniyautaaqqat Titiraqnik ukuningat Naalaktinagit Katimayinut, tapkuat Ihuaqhaiyiilluat katimattaaktut ingitpat talvani ilainnik ilauyunut Katimayunut talvalu ihumaliulaaqtut uvaluuniit pitquyaukpat ilangata naalaktukhanut.

39. Naalaktinagit katimayut ahinungalaaqtut Ihuaqhaiyiilluanit ihumangminit uvaluuniit uuktugumayut ukuningat Ilauyunut.

40. Pinngitpata Ihuaqhaiyiilluat pilimaittut Titiraqtaaqhimayut ihumamingnit, tamna hivulliqpaaq naalaktinagit katimayut pipkalaqtut ninety-nik (90) ublunik pihimaliqtaanik naunaipkut Angiqtuup Kiutjutaat.

41. Naalaktittinagit naalaktut katimavlutik, tahapkuatlu Kangikhipkaitjutit Uuktuutit naalaktaukpata, piinnarialgit, ihumaliurutaanut Ihuaqhaiyit kiutjutimut pitquyauyamutluuniit uuktuktunit, nipiliuqlugu alruyaktuktunut.

Kangikhipkaitjutit Uuktuqtunit

42. Uukturumayuk piinnarialik uuktuutiliuqluni talvunga Ihuaqhaiyinu naalaktinagit ataani Ilanga 5 ihuaqhaiyaukpat, ukuninga piluni:

- (a) Iniqhigumik uuminga Kangiqhipkaiyut Uuktuqtunik titirqamik tunilugulu Atannguyamut;
- (b) tamna Atannguyaq tunilaaqtuq aatjikkutaanik Kangiqhipkaiyut Uuktuqtunik Katimayiuyunut piyaghanik ihuaqhailugit havakatigilugit Ihuaqhaiyit Katimayiuyunutlu taamna kangiqhipkaiyut uuktuqtunik tuhaqtitauyaangani;
- (c) taamna Atannguyaq ihuaqhailimaitpat Katimayiuyunut taaffuminga Kangiqhipkaiyut Uuktuqtunik tuhaqtitaulugu qilamivyak, Ihuaqhaiyit tunihimmarialgit Titirqamik Katimayiuyunut upautikulugit ihuahiyaangani taamna Kangiqhipkaiyut Uuktuqtunik;
- (d) upautiquyauhimayuq upautingitkumi ihuaqhihimayamik Kangiqhipkaiyut Uuktuqtunik, Ihuaqhaiyit piinnarialgit upautiquyauhimayuq upautihimaitkaluaqtitlugu ihumaliuqlutik pitquyamingnik tunihilutikluuniit havaktauyakhanik ihuarigumikku.

Ilanga 5 Naalaktittiyut

43. Ihuaqhaiyit piinnarialgit uqaqtunik tuhaqtittitutik aallamikluuniit tuhaqtittitjutinut pilugit piyaghaniklu tahapkungalulu titiraqhimayunik tuniyauhimayanik, piksasuuhiqhimayanik hivayautikkut katimatjutinutluuniit, angiktauhimakpata ukunanga Katimayiuyunut pitquyauyumikluuniit Ihuaqhaiyinit.

44. Ihuaqhaiyit iligiinnarialgit nivingaqtakhanik naalaktittitjutikhamingnik ihuarigumiuk pilugu.

45. Katimayiuyut upautingitpata naalaktitlutik Titiraqmik tuniyaugumik, Ihuaqhaiyit piinnarialgit tuhaqtittitjutimik upautihimaitkaluaqtitlugu upautiquyauhimayut ihumaliuqlutiklu pitquyauhimayamiklu atuqlugit naunaitkutut tuniyauhimayut tuhaqtittiyuni.

46. Naalaktitjutit upautiinnarialgit inungnit kihimi Ihuaqhaiyit, inmigut pigumik, uuktuutimutluuniit katimayiuyunit, ihumaliukkata ilaukungitlugit inuit tamainni ilanganiluuniit tuhaqtittitjutini.

47. Tuhaqtittitjutit nipiliunginnarialgit alruyaktuktunut. Nipiliuqhimayut tuhaqtittitjutinut CD-mut piyaunginnarialgit Katimayiuyunut tuhaqtittitjutimut Ihuaqhaiyinit pitquyauyumik.

48. Ihuaqhaiyit tuhaqtittiyuni tuhaqtittinagitluuniit ihumaliuqtaaqtuq qanuq tuhaqtittitjutit havaktauniariakhaita imaalu, mikhihimaittugit pihimayangit, pitquinarialgit Katimayiuyunut titiraqlugit tunihilutiklu titiraqhimayunik naiklilugit maligaliurutinut pilugitlu tuhaqtittinagit, upautiqulugit kinalikaak inuk tautukhimakpat, pitquilitikluuniit kinalikaak inuk tunihikulugu titirqanik, naunaitkutanik hunalikaak itquumayumiklu uqaqulugit.

49. Ihuaqhaiyit tunihinnarialgit havakuyamingnik piqulitikluuniit Katimayiuyunut ilaayunutlu inungnut katimayaktuqhimakpata tuhaqtittiyuni piyaghaukpata havaktauyakhanut piyamingni.

50. Pikpata ihuaqhaiyit ihumaliuqlutik ihuaqhaiyumangittumik Titiraqhimayamik kanuklikaak, Naalaktittiniaqtut pilugu 180-ni ubluni hivuliqmut tuhaqtittitutik katimalutik iniqhigumikluuniit ihuaqhaiyamingnik, kitulikaak hivuliuqpat, angirutainutluuniit Katimayiuyunit.

Ihumaliurutit Pitquyauhimayatlu Ihuaqhaiyinit

51. Ihumaliurut pitquyauhimayukluuniit Ihuaqhaiyinit atuqniaqtuq ubluani titiraqtaugumi imaluuniit naunaikhimakpat Ihuaqhaiyinit.
52. Ihuaqhaiyiit ihumaliuqtaqtut pitquyauhimayanik sainiqlugit titirqat Ilauyunit Ihuaqhaiyini.
53. Una Inungnut Pitqutigiyauyanut Havakti unaluuniit Atanilluaq Ihuaqhaiyini piinnarialik, sainiutimingnut pilugit, itquumayumik uqaqlutik aatjiliuqhimayanik titiraqluaqhimayanit pihimayainik Ihuaqhaiyitkut itquumayut aatjiliuqhimayut tahapkuatlu aatjiliuqhimayut tutquqvingmut iliinnarialgit atuqlugitlu pitjutainut Ihuaqhaiyinut itquumayutut titiraqluaqhimayatut titirqani.
54. Ayuqnaqtut titiralirangatalu ihuittumik pihimayait titiraqhimayumi ihumaliurutimut pitquyauhimayamutluuniit Ihuaqhaiyitkunit aallannguqtiinariaqtaat Ihuaqhaiyiit inmikkut niruklutik uuktuliraikataluuniit katimayiuyunit.

#### Havaktakhanut Titirqanik

55. Pihimakpat naunaikhimavlugu ukunani Atuqquyauhimayani angirutauhimakpatluuniit tamainnit Katimayiuyunit, tuhaqtitjutit tuniyauyughat titirqamut tuniyauluni Ihuaqhaiyinit katimayiuyunitluuniit tuniinnarialik inmikkut agitilugu, naunaitkutikhimayunutluuniit tuyugvikkut, Qaritauyakkut kayumiktukkutluuniit.
56. Pikaraluaktitlugu Atuqquyauhimayuq 46, pitquyaugumi uumanga Ihuaqhaiyinut una Inungnut Pitqutigiyauyanut Havakti unaluuniit Atanilluaq piinnarialik, qilamik pilugit piyaghat, uqaqluni naunaiklugit piyaghat katimayiuyunut hivayautikkut.
57. Katimayiuyut pitquyauhimagumik Ihuaqhaiyinit tunihiluni itquumayumik havaktamingnut piyughayuq itquumayumik uqaqluni.

#### Aallannguqtiritit Atuqquyauhimayanut

58. Ihuaqhaiyiit aallannguqtiinarialgit ukuninga Atuqquyauhimayanut kakugunguraangat. Tatja pihimayait makiraaliuqhimayut piinnarialgit Havakvianit uuma Aulapkaiyi Inungnut Pitqutigiyauyanut.